



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **M. Fabii Quintiliani Institutionum Oratoriarum Libri Duodecim**

Summa diligentia ad fidem vetustissimorum codicum recogniti ac restituti

M. Fab. Quintiliani Declamationes Undeviginti. M. Fabii Avi Et Calpurnii  
Flacci Declamationes. Auctoris Incerti Dialogus De causis corruptae  
Eloquentiae - Cvm Variorum Notis

**Quintilianus, Marcus Fabius**

**Lugd. Batav. ; Roterodami, 1665**

CCLXXXIII. Cynicus disertus filius.

**urn:nbn:de:hbz:466:1-12889**

ut interrogent transcurrentes. Jam illa tempora cogita, quibus senex aliquis narrabit fuisse te, qui inexpugnabilem arcem intrares pro sorore: puerum adhuc fecisse fortiter. Debes igitur mihi beneficium, quod tyrannicidium tuum semper monstrabitur.

## CCLXXXIII.

*Cynicus disertus filius.*

Disertus Cynicum filium abdicat. C. D.

## DECLAMATIO.

**I**N quacunq[ue] parte, non parentem iuste abdicarem. Ideo enim vos sustulimus, ut nobis obsequamini: <sup>1</sup> & certe nullus excusatus à patre non probabitur, <sup>2</sup> quam qui non probat patrem. Scilicet nos stulti, qui forum, Republicæ dignitatem tuemur. Discede ab incipiente, ab infano. Sed non necesse habeo, iudices, diu commendare vobis officia civilia, in quibus jam diu satisfeci. Omnis mihi actio in dispicienda vita filii posita est: videte, ut alia taceam, habitum ipsum. Cæteros enim quos abdicant patres, sine narratione culpæ abdicare non possunt: in hoc filio satis est ad odium, habitum ostendere. Quis est iste filii habitus? quæ sordes? quid mihi hanc invidiam facis, ut cum habeas patrem, cibum ab aliis petas? Adversus fortunam te exerces. Quid enim accidere gravius potest? frigus, famem pateris, ne quando accidant? & ideo aliquid pateris, ne quando patiendum sit? Vos vero novo genere ambitus,

<sup>1</sup> Et certe nullus excusatus.] Vet. exemplar. excusatus, recte. Pith.

<sup>2</sup> Quam qui non probat patrem.] Fortes nascuntur fortibus. merito igitur hic abdicatur, quia Cynicus filius ad urbanum & facundum patrem pertinere non videtur. dissimilitudine morum non probat patrem. Et Varro quendam in testamento ita cavisse retulit, Si quis mihi filius unus pluresve in decem men-

sibus gignuntur, ii si erunt *ὄνοι λόγος*, exheredes sunt. Quintil. lib. 4. cap. 2. Sed in scholasticis quoque nonnunquam evenit, ut pro narratione sit propositio. Nam quid exponet, quæ zelotypum malæ translationis accusat? aut qui Cynicum apud Censores reum de moribus facit, cum totum crimen uno verbo, in qualibet actionis parte, satis indicetur? *Epist.*

ambitus, adorationem miseria captatis, inde illa impudentia, quod verecundiam inter crimina ponitis, <sup>1</sup> & appellationem quoque passim nuper dedistis. Omnis vero philosophiæ tractatus alienus moribus nostræ civitatis est, tamen utique placuerat: nonne aliæ sectæ justiores? attenderes Physicis: quæreretis utrumne ignis esset initium rerum: an vero minutis editus & mirabilibus elementis: perpetuus hic mundus, an mortalis esset. Viderint alii: <sup>2</sup> ego in te hanc patientiam corporis ferre non possum: in alias te spes sustuli: de dignitate tua cogitabam. Quod si abdicationem ferre non potes, si carere hæreditate malum judicas: deprehensus es, damno pecuniæ moveris, & detrimento famæ: & homo qui has ipsas opes quotidie incusas, tamen concupiscis. Dignus es igitur. Verum fateamur ea quæ sentimus nec nos extra rerum ambitus ponat. Cujus enim est hominis, pugnare cum moribus, & damnare se?

## CCLXXXIV.

*Adulter sacerdos.*

SACERDOS UNIUS SUPPLICIO LIBERANDI HABEAT POTESTATEM. ADULTEROS LICEAT OCCIDERE. *Quidam* Sacerdotem deprehendit in adulterio, & eam sibi ex lege impunitatem petentem, occidit. Reus est cædis.

## S E R M O.

<sup>3</sup> *An sacerdos adhuc fuerit deprehensus, id est,* <sup>4</sup> *an eo momento*

<sup>1</sup> *Et appellationem quoque passim.]* *Ærodius* inserto vocabulo: & *timiditatis* appellationem quoque. Nihil agnosco *fanius*. Forte: quod verecundiam inter crimina ponitis & appellationem quoque dudum *peccum* dedistis. Assumpto scilicet *Cynicorum* nomine ab *canum* inverecundia *Gronovius*.

<sup>2</sup> *Ergo in te hanc patientiam corporis.]* *Ver. cod. patiendam.* *An patientia ut fruenda* apud *Ausonium*? vix puto. *Pith.*

<sup>3</sup> *Meminit Quintilianus hujus controversiæ lib. 5. cap. 10.* Hoc genus argumentorum sane dicamus ex circum-

stantia, quia *quis* *Civ* dicere aliter non possumus: vel ex iis quæ cujusque causæ propria sunt, ut in illo adultero sacerdote, qui lege, qua unius servandi potestatem habebat, se ipse servare voluit: proprium est controversiæ dicere, Non unum nocentem servabis, quia te adultero dimisso, adulteram occidere non licebit. Hoc enim argumentum lex facit, qui prohibet adulteram sine adultero occidi. *Ærodius*.

<sup>4</sup> *An eo momento.]* *Scribe: an non eo momento, quo deprehensus est, perdidit jus sacerdotis.* *Gronovius*.